

23/10/1999

Aksi 4 x 4 tarikan pameran motor

KUALA LUMPUR, Jumaat - Persembahan aksi pacuan empat roda yang akan menyertai Cabaran Simex Rainforest '99, menjadi salah satu tarikan utama pengunjung pameran Motorsports '99, di Pusat Dagangan Dunia Putra (PWTC) yang akan berakhir Ahad ini.

Orang ramai berpeluang menyaksikan aksi lasak kenderaaan itu melintasi beberapa halangan yang pasti mencabar kecekapan dan keupayaan pemandu pacuan empat roda terbabit.

Bagi Cabaran Simex yang akan berlangsung dari 28 November hingga 8 Disember ini, 24 negara dari seluruh dunia mengesahkan penyertaan mereka.

Cabaran sejauh 1,800 kilometer ini akan bermula di Johor Bahru dan berakhir di Kuala Terengganu merentasi hutan negara yang kaya dengan flora dan fauna.

Pameran Motorsports Show ini dilancarkan Perdana Menteri, Datuk Seri Dr Mahathir Mohamad pada 14 Oktober lalu, disertai 60 organisasi membabitkan 170 kenderaan.

Antara organisasi yang menyertai pameran itu adalah Kumpulan DRB Hicom, Kumpulan Pekema serta Perusahaan Otomobil Elektrik Malaysia (POEM).

Selain itu, orang ramai juga berpeluang menyaksikan persembahan artis terkenal seperti Anessa, kumpulan Kamikrazie dan Shades.

Pameran bermula jam 11 pagi dan berakhir jam 10 malam.

(END)